

VLADA UNSKO-SANSKOG KANTONA

i

KANTONALNI ODBOR USK-a SAMOSTALNOG SINDIKATA  
OSNOVNOG OBRAZOVANJA I ODGOJA F BiH

i

KANTONALNI ODBOR USK-a SINDIKATA SREDNJEG I VISOKOG  
OBRAZOVANJA, ODGOJA, NAUKE I KULTURE BiH

Zaključili su dana: 15.03.2017. godine

## **PROTOKOL**

o pregovorima za sklapanje Kolektivnog ugovora za  
radnike u predškolskom, osnovnom i srednjem obrazovanju i odgoju  
Unsko-sanskog kantona

I

### **OPĆE ODREDBE**

#### Član 1.

Postupak oko zaključivanja Kolektivnog ugovora može pokrenuti svaka strana utvrđena Zakonom o radu, kao mogući potpisnik Kolektivnog ugovora.

#### Član 2.

Postupak iz predhodnog člana pokreće se pismenim putem.

Strana koja je pokrenula postupak za zaključivanje Kolektivnog ugovora dužna je utvrditi prijedlog Kolektivnog ugovora o kojem će se vršiti pregovori i uz pismeni zahtjev za zaključivanje Kolektivnog ugovora, dostaviti drugoj strani potpisnici.

#### Član 3.

Strana kojoj je upućen zahtjev za zaključivanje Kolektivnog ugovora dužna je u roku od 8 (osam) dana od dana prijema zahtjeva i prijedloga Kolektivnog ugovora, na zahtjev odgovoriti pismenim putem.

#### Član 4.

Prije početka pregovora, strane u zaključivanju Kolektivnog ugovora samostalno određuju pregovaračke timove, a vođe timova dogovaraju vrijeme i početak pregovora.

#### Član 5.

U toku pregovora svaka strana ima pravo zahtijevati privremeni prekid pregovora, radi konsultacija o određenim pitanjima.

Privremeni prekid pregovora iz predhodnog stava ne može trajati duže od dva dana.

#### Član 6.

Pregovarački timovi strana u zaključivanju Kolektivnog ugovora, nakon usaglašavanja svih članova teksta Kolektivnog ugovora, utvrđuju prijedlog Kolektivnog ugovora i predlažu da ga u istovjetnom tekstu usvoje i potpišu sve tri strane potpisnice.

### II

#### STRANE KOLEKTIVNOG UGOVORA

#### Član 7.

Strane zaključivanja Kolektivnog ugovora za radnike u osnovnom i predškolskom obrazovanju na području Unsko-sanskog kantona su Vlada Unsko-sanskog kantona i Kantonalni odbor Samostalnog sindikata osnovnog obrazovanja i odgoja F BiH za USK-a. Strane zaključivanja Kolektivnog ugovora za radnike u srednjem obrazovanju na području Unsko-sanskog kantona su Vlada Unsko-sanskog kantona i Kantonalni odbor Sindikata srednjeg i visokog obrazovanja i odgoja, nauke i kulture BiH za USK-a. Strane iz stavova I i II se obavezuju da će poštovati demokratske principe, pregovarati u dobroj vjeri i međusobno se uvažavati kao socijalni partneri u pregovorima.

### III

#### SAZIVANJE I ODRŽAVANJE SASTANAKA I ODLUČIVANJE NA SASTANCIMA

#### Član 8.

Radom pregovaračkih timova zajednički i ravnopravno rukovode vođe pregovaračkih timova, koji su ujedno i njihovi glasnogovornici. Članovi pregovaračkih timova za riječ se javljaju vođi svog pregovaračkog tima. Pored članova pregovaračkih timova, sastancima mogu prisustvovati i stručnjaci sa svake strane za pojedina pitanja, koji pomažu u radu svog tima, koji u suglasnost vođe drugog tima mogu iznositi svoja mišljenja. O terminima i mjestu održavanja sastanaka pregovarački timovi se dogovaraju. U toku sastanka svaki pregovarački tim ima pravo korištenja kraće pauze, uz dogovor sa drugim pregovaračkim timom.

#### Član 9.

Sastancima pregovaračkih timova vođe timova predsjedavaju naizmjenično.

#### Član 10.

Na sastancima se vodi zapisnik. Zapisnik svaki put vodi druga strana. Prečišćeni tekst zapisnika treba sačiniti najkasnije u roku od 2 (dva) dana nakon sastanka i dostaviti odmah svim članovima pregovaračkih timova. Zapisnik se usvaja na narednom sastanku pregovaračkih timova.

IV

JAVNOST RADA PREGOVARAČKIH TIMOVA

Član 11.

Sve strane su saglasne, da tokom pregovora neće bez zajedničkog dogovora obavještavati sredstva javnog informisanja.  
Pregovori nisu otvoreni za javnost, osim ako se pregovarački timovi drugačije ne dogovore.  
Pregovarački timovi se mogu dogovoriti o zajedničkoj izjavi.  
Tokom pregovora svaka strana će se suzdržati od davanja izjava koje mogu otežati, ugroziti i narušiti pregovore.

V

ZAVRŠNE ODREDBE

Član 12.

Protokol je zaključen kad ga potpišu sve strane.  
Izmjene i dopune Protokola se usvajaju na isti način kao i Protokol.  
Prijedlog jednog od pregovaračkih timova za izmjene i dopune Protokola, kojeg jedna od strana ne prihvati, ne može biti razlog za prekid pregovora.  
Ovaj protokol je sačinjen u 6 (šest) istovjetnih primjeraka, a svaka strana zadržava za sebe 2 (dva).

VLADA UNSKO-SANSKOG KANTONA

Po ovlaštenju

Ministrica Sanela Čenanović, dipl.ecc.

Broj: 10-39-6937-1/17



ZA KANTONALNI ODBOR USK-a SSOČIO FBiH

Predsjednica:

Broj: 01-42-14/17



ZA KANTONALNI ODBOR USK-a SSVOONK-a BiH

Predsjednik:

Broj: 01-F5-07/17

